

LOKALNI IZBORI U BOSNI I HERCEGOVINI 2008. GODINE

Vodič za prijavu birača za glasanje izvan Bosne i Hercegovine

I KO MOŽE DA SE PRIJAVI ZA GLASANJE IZVAN BOSNE I HERCEGOVINE?

Izbjegla osoba iz BiH i građanin BiH koji privremeno živi u inostranstvu i ispunjava sljedeće uslove:

- * da je državljanin Bosne i Hercegovine,
- * da će do dana održavanja izbora (05.10.2008. godine) navršiti 18 godina,
- * da ima prijavljeno prebivalište u Bosni i Hercegovini.

Za birače koji glasaju izvan BiH, a imaju status izbjegle osobe iz BiH ili privremeno žive u inostranstvu, upis u Centralni birački spisak obavlja Centralna izborna komisija BiH za svake izbore i za sve nivoe vlasti u Bosni i Hercegovini.

II KAKO SE PRIJAVITI ZA GLASANJE IZVAN BOSNE I HERCEGOVINE?

a) podnošenjem prijavnog obrasca PRP-1 prijave ZA GLASANJE IZVAN BiH ZA DRŽAVLJANE BiH KOJI SE PRVI PUT PRIJAVLJUJU ZA GLASANJE IZVAN BiH ili

b) podnošenjem prijavnog obrasca PRP-2 prijave ZA BIRAČE KOJI SU BILI REGISTROVANI ZA GLASANJE PUTEM POŠTE NA PRETHODNIM IZBORIMA 2006. GODINE.

III GDJE SE MOGU DOBITI OBRASCI ZA PRIJAVU?

a) **Obrazac prijave PRP-1 za državljane BiH koji se prvi put prijavljuju za glasanje izvan BiH možete dobiti preko:**

1. web-stranice Centralne izborne komisije BiH (www.izbori.ba) i web-stranica državnih organa (www.mvp.gov.ba),
2. Diplomatsko-konzularnih predstavništava Bosne i Hercegovine,
3. Klubova i udruženja građana Bosne i Hercegovine u inostranstvu,
4. Kancelarija međunarodnih, vladinih i nevladinih organizacija koje rade na pitanju izbjeglica i pitanjima migracija.

b) **Obrazac prijave PRP-2 za birače koji su bili upisani u izvod iz Centralnog biračkog spiska za glasanje izvan BiH na prethodnim izborima 2006. godine biće upućen na adresu u inostranstvu koju je birač dostavio prilikom posljednje prijave za glasanje izvan BiH ili na adresu o čijoj je izmjeni birač obavijestio Centralnu izbornu komisiju BiH do dana raspisivanja izbora 08. 05. 2008. godine.**

IV KAKO PODNIJETI PRIJAVU ZA GLASANJE NA IZBORIMA 2008. GODINE IZ INOSTRANSTVA?

a) Način podnošenja prijavnog obrasca PRP-1

Državljanima Bosne i Hercegovine koji

su izbjegla osoba ili privremeno žive u inostranstvu, a nisu bile upisane za glasanje izvan BiH na prethodnim izborima u BiH 2006. godine, treba da podnesu prijavu Centralnoj izbornoj komisiji BiH do **22.07.2008. godine.**

Uz svojeručno potpisan obrazac PRP-1 prijave za glasanje izvan BiH treba se priložiti kopija jednog od dole navedenih važećih dokumenata kojim se dokazuje identitet:

1. Dokumenti za dokaz identiteta:

- a) lična karta BiH, izdata u okviru CIPS-a,
- b) vozačka dozvola BiH, izdata u okviru CIPS-a,
- c) pasoš BiH.

Ako se prijavljujete sa statusom izbjegle osobe iz BiH, umjesto prethodno navedenih dokumenata kao dokaz identiteta možete priložiti jedan od sljedećih dokumenata sa fotografijom:

- d) važeća lična isprava izdata od strane zemlje domaćina,
- e) izbjeglički karton izdat od vlade zemlje domaćina ili druge međunarodne organizacije.

Državljanin BiH, izbjegla osoba, koje ne posjeduje nove identifikacione dokumente iz Bosne i Hercegovine izdate u okviru CIPS-a, obavezno uz obrazac prijave

podnosi dokaz o državljanstvu BiH i dokaz o prebivalištu u BiH.

2. Dokumenti za dokazivanje državljanstva BiH:

- a) uvjerenje o državljanstvu BiH, ne starije od 6 mjeseci,
- b) pasoš BiH.

3. Dokumenti za dokazivanje prebivališta:

a) potvrda o prebivalištu u BiH iz perioda posljednjeg provedenog popisa stanovništva u BiH 1991. godine ili iz perioda od posljednjeg popisa stanovništva do sticanja statusa izbjegle osobe iz BiH ili

b) lična karta BiH (kopija u cijelosti) iz perioda posljednjeg provedenog popisa stanovništva u BiH 1991. godine ili iz perioda od provođenja posljednjeg popisa stanovništva do sticanja statusa izbjegle osobe.

Izbjegla osoba iz BiH koje je evidentirana u okviru CIPS projekta, dužna je dostaviti **dokaz o prebivalištu u BiH** iz vremena posljednjeg provedenog popisa stanovništva u BiH 1991. godine ili dokaz o promjeni prebivališta od perioda posljednjeg provedenog popisa u BiH do sticanja statusa izbjeglice iz BiH, kako bi bila upisana u izvod iz Centralnog biračkog spiska za glasanje izvan BiH za odgovarajuću općinu.

Ukoliko **izbjegla osoba** iz BiH ne dostavi



dokaz o prebivalištu, biće upisana u izvod iz Centralnog biračkog spiska samo ukoliko ime lica bude pronađeno u evidenciji na popisu stanovništva u BiH 1991.godine.

b) Način podnošenja prijavnog obrasca PRP-2 za birače koji su bili registrovani za glasanje putem pošte na prethodnim izborima 2006. godine.

Državljaninu BiH koji je na prethodnim izborima bio registrovan za glasanje putem pošte, Centralna izborna komisija BiH će uputiti **obrazac PRP-2 prijave** za glasanje izvan BiH na adresu u inostranstvu koju je birač dostavio prilikom posljednje prijave ili na adresu u inostranstvu o čijoj je izmjeni birač obavijestio Centralnu izbornu komisiju BiH do dana raspisivanja izbora **08.05.2008. godine.**

Kako bi ostali upisani u izvod iz Centralnog biračkog spiska za glasanje izvan BiH, birač **treba Centralnoj izornoj komisiji BiH dostaviti svojeručno potpisan obrazac PRP-2 prijave** za glasanje izvan BiH, zajedno sa kopijom jednog od važećih identifikacionih dokumenata sa fotografijom do **22.07.2008. godine.**

a) lična karta BiH, izdata u okviru CIPS-a,

b) vozačka dozvola BiH, izdata u okviru CIPS-a,

c) pasoš BiH.

Ako se prijavljujete sa statusom izbjegle osobe iz BiH, umjesto prethodno navedenih dokumenata kao dokaz identiteta možete priložiti kopiju jednog od sljedećih dokumenata sa fotografijom:

d) važeća lična isprava izdata od strane zemlje domaćina,

e) izbjeglički karton izdat od vlade zemlje domaćina ili druge međunarodne organizacije.

Državljeni BiH koji se prijavljuju za glasanje za Brčko Distrikt BiH, da bi se nalazili na izvodu iz Centralnog biračkog spiska za glasanje izvan BiH, obavezno moraju da se izjasne o entitetskom državljanstvu radi dostave odgovarajućeg glasačkog materijala.

Sve prijave državljana BiH za glasanje izvan BiH moraju biti dostavljene Centralnoj izornoj komisiji BiH najkasnije do **22.07.2008. godine** kako bi bili upisani u izvod iz Centralnog biračkog spiska za glasanje izvan BiH za izbore 2008. godine.

I Ako se državljanin BiH, upisan u Centralni birački spisak za glasanje izvan zemlje, vrati u Bosnu i Hercegovinu **prije roka** koji je utvrđen za zaključivanje Centralnog biračkog spiska za izbore 2008. godine, dužan je podnijeti zahtjev za promjenu biračke opcije nadležnom centru za birački spisak u općini u kojoj ima prebivalište kako bi bio upisan za glasanje u općini odnosno osnovnoj izornoj jedinici u kojoj ima prijavljeno prebivalište.

II Ako se državljanin BiH koji je upisan u Centralni birački spisak za glasanje izvan zemlje vratio u Bosnu i Hercegovinu **nakon roka** koji je utvrđen za zaključivanje izvoda iz konačnog Centralnog biračkog spiska za izbore 2008. godine, biće mu dozvoljeno da glasa nepotvrđenim/kovertiranim glasačkim listićima na biračkom mjestu u osnovnoj izornoj jedinici za koju ima pravo glasa.



VAŽNO

Molimo Vas da pažljivo pročitate navedena uputstva na obrascima prijave za glasanje izvan Bosne i Hercegovine

Krajnji rok prijave za upis birača u izvod iz Centralnog biračkog spiska za glasanje izvan BiH je **22.juli 2008.godine**. Prijave za glasanje izvan BiH primljene nakon **22.juli 2008.godine** neće biti obrađene za predstojeće izbore 05.oktobra 2008.godine

**PRIJAVE ZA GLASANJE IZVAN BIH ŠALJU SE NA ADRESU:
IZBORI U BOSNI I HERCEGOVINI**

Poštanski pretinac 451

71000 Sarajevo

Bosna i Hercegovina

ili

na fax: +387 033 251 333 i + 387 033 251 334

ili putem e-mail: prijavapp@izbori.ba

Provjera statusa obrade prijave za glasanje izvan BiH obaveza je podnosioca prijave, putem dežurnog telefona: +387 033 251 331 ili + 387 033 251 332
ili e-mail: info@izbori.ba

I Sve prijave za glasanje izvan BiH primljene do 22.07. 2008.godine biće obrađene u Centralnoj izornoj komisiji BiH. Svaki podnosilac prijave za kog se utvrdi da ima biračko pravo, biće upisan u izvod iz Centralnog biračkog spiska za glasanje izvan BiH na predstojećim izborima 05.oktobra 2008.godine.

II Svim državljanima BiH kojima je potvrđeno biračko pravo biće dostavljen glasački materijal putem pošte na adresu stanovanje koja bude navedena u prijavi.

III Ukoliko dođe do izmjene u podacima navedenim u prijavi birača, naročito promjene adrese stanovanja u inostranstvu, birač je dužan dostaviti izmjenu iste, a s ciljem pouzdane dostave glasačkog materijala.

IV Centralna izborna komisija BiH će za sve građane koji se izjasne za glasanje u DKP BiH u omogućiti glasanje u DKP BiH, ukoliko budu ispunjeni uslovi propisani Izbornim zakonom BiH, a ukoliko ne, glasanje će se provesti na način predviđen za glasanje putem pošte.

V U prilogu ovog vodiča dostavljamo Vam spisak DKP BiH u kojima je planirano glasanje u DKP.